

Umhverfis- og auðlindaráðuneytið
Skuggasundi 1
150 REYKJAVÍK

Reykjavík, 6. mars 2015
Tilvísun: 2014090007/21.0
Verknúmer: 3241005

Efni: Endanlegur listi yfir virkjunarkosti í vatnsafla og jarðvarma og breytt tilhögun á Norðlingaölduveitu (R3127B)

Þann 20. janúar sl. lagði Orkustofnun fram 50 virkjunarkosti á fundi með verkefnisstjórn í 3. áfanga verndar- og orkunýtingaráætlunar (rammaaætlunar). Þrjú af þeim virkjunarkostum voru dregnir til baka á fundi 20. febrúar 2015 þegar 33 nýir virkjunarkostir voru lagðir fram. Á þeim tímapunkti var óvissa um einn virkjunarkost, R3276A Ölfusdal. Það tilkynnist hér með að sá kostur hefur nú verið dreginn til baka úr rammaáætlun.

Í kjölfar fundarins þann 20. febrúar sl. barst Orkustofnun beiðni frá Landsvirkjun um að fá að leiðrétta gögn vegna Norðlingaölduveitu, sem lögð voru fram þann 20. janúar, í ljósi ákvarðana sem teknar voru á árinu 2014 en láðst hafði að koma í framkvæmd. Leiðrétt gögn sem nú eru lögð fram eru með lægri lónshæð en áður, eða 364,5 m y.s. í stað 365 m y.s. Eldri gögnin sem auðkennd voru sem kostur R3127A eru því úrelt og ber ekki að meðhöndla þau frekar, en meðfylgjandi leiðrétt gögn eru auðkennd sem kostur R3127B þar sem um aðra tilhögun er að ræða.

Endanlegur listi yfir alla virkjunarkosti 80 talsins liggur því nú fyrir. Virkjunarkostir í vatnsafla eru 48 og virkjunarkostir í jarðvarma eru 32 í þriðja áfanga rammaáætlunar.

Upplýsingar um þessa 80 virkjunarkosti eru nær fullunnar og er lista yfir kostina með áætluðu afla og orkuvinnslugetu að finna á vefsvæði stofnunarinnar:


<http://www.os.is/raforka/rammaaetlun/erindi-til-verkefnisstjornar-rammaaetlunar-3/>

Gögnin sem lögð hafa verið fram lýsa tilhögun virkjunarkosta og eru enn í formi skýrsludraga, þar sem endanlegt snið á skýrslunni, skýrslunúmer og númer á köflum liggja ekki fyrir. Einnig hefur Orkustofnun ekki unnið kostnaðarflokkagreiningu fyrir þá virkjanakosti sem stofnunin leggur fram né hefur gefist tími til að rýna kostnaðarflokkagreiningu frá orkufyrirtækjunum. Öll aðalatriði varðandi tilhögun virkjunarkostanna liggja þó fyrir og ættu tilgreindar forsendur þess að um drög er að ræða ekki að hamla vinnu verkefnisstjórnar við þá kosti sem hér eru lagðir fram.

Orkustofnun áskilur sér rétt til uppfærslu og leiðréttingar á skýrsludrögum eftir því sem þurfa þykir, þar til endanleg útgáfa verður gefin út í heild, og verður verkefnisstjórn upplýst um mögulegar breytingar jafnóðum.

Virðingarfyllt
f. h. orkumálastjóra


Erla Björk Þorgeirsdóttir


Skúli Thoroddsen